

1 Timoti

¹ Na Paulo, kibi iwa qemaile, Anutu so Yesu Kristoŋo na aposolo wane uratao bira nangoik, Yesu wane pi don wane gemaile, Anutuŋo ŋene mapit ŋonge, so naso Yesu Kristo kine kine korop maulukeake, ea wane tomaka gemaine.

² Na Timoti, naŋane kibi ge iwa qe ginmaile, ge naŋane giponne koboine, mali malipse weku, maine Anutu Magak so Yesu Kristo, Waomze eto mosopgane more sot turuŋone nigetosiake, paki peam gingeik.

Isi Don Kito Ebon Ebon Wane Girem Don

³ Na Makedonia kepeo arikalane, okane more golatkole yale okangene, so Epeso matko takotke ge natneŋo isi don kito ebon okanmami, yewa rawettonnom qeliŋgei. ⁴ Ene nemu kisi rau paki, ŋei ataŋine ataŋine ge sakoi, eŋane kine rau ket sa okangi ra kito qokinerop wakon okanmaike, yale okanbi, Anutu wane wet dereretine mi qe-siŋkamaike, ŋene mali malipzeŋoka Anutu wane wet dereretne detlukkamaine. ⁵ Don wele rara, yemo iwa yale wakongi menageake, wet qelaŋan, wet koboboine so wet mali malip korop ge more wet maep maratkakene. ⁶ ŋei natne eŋe numa iwa qeyau more don sinoine wele midaine ma wakone magemami. ⁷ So eŋe enŋenane Anutu wane ra togon don wane kito ebo ebon okangei wane ra okanmami, eŋe sorin borin okan okanmami, ŋo eŋe siluŋ enŋene donene yewa mi

detokanmami, yale okane more don yau yaup ra okanmami.

Rara Togon Don Ea Don Maine

⁸ Nene ra togon don wane iwa yale det okanmaine, ea don maine, so kineine detluke more magekene. ⁹ Kine iwa yale desikene, rara togon don yewa eɲe ɲei maine sot midaine eɲane biɲek mi okanmaike, eamo ɲei iwa yaline eɲane biɲek okanmaike, eɲe rara togon don qe barakmami, eɲe aɲa biramami, eɲe Anutu ewine mi kito okanmami, eɲe sot korop, eɲane masi borikine, eaɲo Anutu wane masi so don koboboine ea qe barakmami, eɲe nabok magak enguwi seukmami, eɲe ɲei ɲerep enguwi seukmami. ¹⁰ Bailalan ɲei ɲerep eɲe ɲei ɲerep yau yaup marat nagumami, ɲeiɲo ɲei edomka marat nagumami, eɲe wesi maikei wane ɲei ɲerep kobu ebumami, isi ɲei, eɲe Waom wane eɲetko ra more isisiwo ra togolemami, so eɲe borikine natne, ɲenane kito ebo ebon don koboine ɲabaka okanmami, rara togon don iwa yemo kine kine yalinane ra wakon ra wakone. ¹¹ Don wele ea yemo, miti don yale, noɲo ra qelaɲanikalane ra more Anutuɲo ra ninge, biɲek don iwaɲo ɲedanmaike, yemo Anutu eɲe qeli ewe zonom so mosopinerop.

Anutuɲo Paulo Wane Qom Borik Okange Ea Wane Paulonjo Anutu Bakomine Kitoke.

¹² Waomze Yesu Kristo eɲe zonom nine more matogole nange, ea wane bakomine kito okanmaile, oɲo detnangi menaɲgi, eɲane urata makalane ra ninge. ¹³ Na qei bano eɲetine ra

matali okan ka more ñeikoune engu kito okane more wawaine okan kakole, onoka wane na mi malip kakole, kineine ñaṅaewe paki, yale okan kakole, ño Anutuño yemo nañane qomine boriki siluṅ turuṅne qeliṅge. ¹⁴ Paki, Waom eṅe manerop mosopnane more Yesu Kristo eṅane simile zok pa mangane ra more, eṅane mali malipine weneṅ qe watke ninge. ¹⁵ Yesu Kristo eṅe borikine mama korop ma menaṅ ṅoniakane, kepeo ketke, don iwa welekakatne, ñei ñerep koropño dere more malipka warekene, so qom borik desikene, nono sot okangole paki, borikinane biṅek suaine okane gekole. ¹⁶ Ño Yesu Kristo ono yemo ñei ñerep koropño iwa yale detluk kaikei wane, eṅe ñei borikine me sot turuṅnerop bororom okanon mageake, yalewa wane, eṅe alakan nañane qom borik detki paki, makoboe biranange, yemo ñei ñerep koropño maine nañano masi make, ea ka more korop eṅe malip kaikei, so wisika gege mau paki, naso baṅem naso baṅem ge ari gekei. ¹⁷ Ñei ñerep eṅe maine naso baṅem Anutu wane ewine kito more oi bakom mawa mawa okanka ge arikei, eṅe naso baṅem naso baṅem gege togon ge ariake, dezeño mi kakaine, eṅe Anutu koboine weku, weleka!

Pauloño Timoti Biṅek Don Wane Kawaliine Qeakane Birakake

¹⁸ Medepne Timoti, alakan geṅane rara togon, don doku tau tau ñei ñerep eṅane propet edo wakongoi, ea wane rokopko don togon ra gingoi, iwa yale ra more ginmaile, ge don yewaño tebe ṅoronṅone okangi, kawali togole qekene. ¹⁹ Paki

ge mali malipɲone so wetɲone qelaɲanerop koboineka warekanom pakep, ɲei natne eɲe wet qelaɲanerop koboine gege ɲadekkakoi, wane mali malipene qororoŋgi qeyaukoi. ²⁰ Eɲano ɲine mane Himenaesus mane Alekzander, ɲei iwa ere na Satan wane meteo biraotkole, Satanɲo wikile epongi, geuk paki ere wetetne zingeki, ere koso Anutu wane ewe ma baik mi okankaikeik.

2

Meɲe Meɲen Wane Don

¹ Na alakan don mane doku tau tau magu edane qebin ongole, ɲine doku tau tau magu edanbi, eɲe Anutu meɲenka dage olatpi, oɲo ɲei ɲerep korop qesiɲ oniake. ɲine Anutuɲo ɲei ɲerep qesiɲ oniakane meɲenkau, so Anutu wano ebeɲine bonepkekei. ² ɲine ɲei ɲerep korop eɲane ra more Anutu meɲen kaikei, kepe ɲei ware ware so ɲetneekopene eɲane weneɲ meɲenkau Anutuɲo qesiɲoniake, pakiso ware ɲonbi peamgo bolomine so pitikatne geuluke more Anutu wane tanik manik koboine yewa mogasikene. ³ Anutuɲo ɲene korop ma menaɲ onge, ea wane meɲe meɲen yalinenɲo Anutu zane kaitko wekumane okanmaikane detki menageake. ⁴ Oɲo ɲei ɲerep korop menage more, don welekatnane weleine dere wetke okangei wane ra okanmaike. ⁵ Anutu weku ge ɲebonmaike, so Yesu Kristo oɲomka Anutu so ɲei keuzo qeturaniɲone gemaikae, eɲe ɲei okange, ɲo ge ɲebonmaike. ⁶ Eɲe gegeine qaisikka more, ɲei ɲerep korop ɲenane turuɲze make, ea wane don kisiinenɲo didiwo sua

ariakane, Anutuŋo nasoine motke, yewao eŋe ɲenane wetine suaine paki menanɲenane rake, ea wane weleine sikan ɲonmaike. ⁷ Pakimo eawane donkisi edanikalane, Anutuŋo na eŋane tungo biranange, don kisi yewa don wele, na ɲei qelaŋ eŋe don wele ea wane kine malip kaikei wane ra qelaŋane kito ebonmaile, na mi isimaile, na welekatne ramaile.

⁸ Na matko matko ɲei meɲen kaikei wane ramaile, ɲei yewa sotene mi osiake, Anutuŋo meɲen meɲenene desiakane eŋe malipkau, yale okane more meteene libeka paki Anutu wano bira more meɲenkakei. ⁹ So ɲerep eŋane ramaile, eŋe takotene mayakatne bira more ketkele geu, yewaŋo kibi maepene okaniake, eŋe wawaine misuk okane more lewetene kibi makei, me so-laeno kikum kibine kine kine me gol, me takot lewine wawaineŋo qoli qoline yewaŋo aukei. ¹⁰ Midakaka, ɲerep eŋe Anutu wane medep gekei wane dere more eŋe urata kine kine mayakatne yewa makei. ¹¹ ɲerep eŋe ketkele mepene qoiqoine gekei, paki ketene more so dereret urata makei. ¹² Na ɲerep mane detonbe, kito ebo ebon urata mama me ɲei yuanone gege ea wane mi detonmaile, eŋe yaup ketkele gekei. ¹³ Adam eŋe alakan mawakonkake, ɲo Ewa yemo ɲado ma wakonkake. ¹⁴ Satanŋo sari Ewa liwek kaki, Anutu wane aɲaine birake, ɲo Satan eŋe Adam mi liwek kake, eŋe siluɲ aɲaine birake. ¹⁵ ɲo siluɲ ɲerep eŋe medep ebu ebu wane menageake, mali malip so wet maep korop okane more wet koboboine gege ɲerep yaline eŋe Anutuŋo maine ebuyake.

3

Miti Wane Njetne Mama Enjane Donv

¹ Mane enjane miti wane njetne mama geakane rayake, enjane urata lewine suainane similekamaike yale raikene, don iwa welekatne. ² Pakiso, miti wane njetne mama enjane sot midaine koboboine njanomine weku enjeropka geake, so kotinane sawe geake, okangi bori worine midaine mayakatne geake, nejane kunejine mat maneo njine sariu kima ebuyake, so kito ebo ebon urata mauluke mayake, ³ enjane doku togole ne qelanj qe gege mane misuk nekei, enjane sot osi osirop mida, wet pesek so peamine geake, enjane wesi abonj wane bailalanj misuk okaniake. ⁴ Enjane enjane sotawekoune me njerep medepine mauluke wareoniake, so enjane raki gipon borasokoune ewine kito more anjane tewekkei. ⁵ Mane enjane enjane sotawekoune so njerep medepine mauluke mi ware oniakenjo Anutu wane doku tau tau magu daleo magak okan oniake? ⁶ So doku musele tau taune nejane mane enjane miti wane njetne mama misuk geake, sogino Satanj Anutu wawaine okan kaki, osopkaki ketke, wane nejane yaline enjane wawaine okangi, Anutunj yalewaka osopkaki kesiake. ⁷ Nejane mane enjane enjane koboboine nejane njerep doku tau tau maguo mi takotkeki, enjane payakenjo njetne maine geake paki, enjane qaisikkau Satan wane subanj mi kitoyake.

Doku Tau Taune Enjane Qesi Qesinj Enjane Don

⁸ Doku tautau enjane qesi qesinj nejane, enjane yalewaka wetene koboboine, wet me belakam etkeka misuk gekei, me doku togole ne qelanj qe gege

ea mane misuk nekei, me ñei natne eñane wesi aboñ wane bailalañ misuk okanikei. ⁹ Eñe wetene koboboine qelañanerop paki, Anutu wane mali malip don sogine sanká pake, so wele mo sikan ñonge, yewa malip kakei. ¹⁰ Ñine mikepka urataenane liwek ongei, liwekone onbi urata maineka makeiwo, yemo eñe maine doku tau tau magu eñane urata ñei okane gekei. ¹¹ So ñanowekopene eñe yalewaka wetene weku paki, yeye kine kine wet maepko okangei, don ñade ñade misuk rakei, sawe ge more koboboine gekei. ¹² Doku tau tau magu eñane qesi qesiñ ñei, eñe ñanomine weku eñerop wet peseko ge more, ñanom dokoine ma suluke wareongi, aña tewe tewek korop gekei. ¹³ Ñeiwa doku tau tau magu eñane qesi qesiñ ñei ge more, urata mauluke ma okanmami, eñe eñetene weku mane wakonge, eñe maine eweke more mali malipene Yesu Kristo wano ra qelañangei.

Anutu Masi Tanikinane, Don Lopeñine

¹⁴ Na mo welekatne geñano ikopka umore ganikalane okane more, kibi iwa qe ginmaile. ¹⁵ Na esatka mi u lotkekaleo, yemo ge kibi yewaño Anutu wane mat urumgo koboboine gege wane golasiake, Anutu gege togon wane mat urum yemo ñei ñerep magukoune, eñe bosin togogole ño mat umatne teweke okoramaike, yalewa Anutu wane don wele teweke okorakei. ¹⁶ Anutu wane don sanká pake, ea ra qelañan okanmaine, yewamo oña qae qaeinerop, ñei manerño don yewa maine mi bisopkeake,

eŋe ŋei yale didiwo wakonge, Asuŋo kineine ma wakonge yewamo koboine, so Aŋelo edo kakoi, don kisiineŋo ŋei ŋerep korop eŋano arike, kepe baŋem ŋei ŋerep eŋe detluk kakoi, Anutuŋo eŋine qelaŋan koto qeliwo mawake.

4

Isi ŋei Eŋane Don

¹ Asuŋo alakan iwa yale ra wakone ra okan maike, baŋ ŋado ŋei natne eŋe mali malipene qeligeu paki, asu isisine eŋane dongo makatake more, aŋelo isisine eŋane aŋaine teweke qelitene qe gekei. ² Isi ŋei eŋe kotoene di kiti kitine yalinane, masi tanik isisine mau paki, isi don yewa ma wakon okanmami, ŋo wetene yemo seu seune, gerepŋo zeki ososot kemaikē yale paki, eŋe borikine yewa maine mi desikei, me duma koboine mi mogasikei. ³ Paki ŋei isione raikei, ŋerep mi ma more yaup qaluwit gekene, so ŋei natneŋo Yuda wane ra rokop don togon mogare ge more rau, ŋara yau yaup misuk nekei, ŋine yaup saweka gekei, ŋo ŋara korop yemo Anutuŋo nekenane, ma wakon warekane mali malip korop ŋene kineine yale dere more, Anutu bakomine kito more ma ne okangene. ⁴ Anutuŋo kine kine korop ma wakonge, yemo mayakatneka, ea wane meŋe meŋenŋo bakomine kito more ma ne okan okanmaine, yewa mi qaisik kaikene. ⁵ Onoka wane, Anutu wane don so meŋe meŋenŋo qe-siŋkaki, kine kine yewa koboboine okangi, Anutu eŋe detki menaŋ okanmaikē.

Timoti Eje Kristo Yesu Wane Qelit Nei Mayakatne

⁶ Ge don ea nei njerep natne doku tau tau magu enjane wet dereret qe wisikae more edangeneo, ge Kristo Yesu wane qelit nei mayakatne anja tewe tewek korop gekene, paki Anutu wane don wane kine wele yewanjo mali malip njonane lopenjine qesinj okangi gekene, ⁷ paki sele njerep edo donkisi yauwine ra okanmami, don kisi sinoine yaline eamo njadek kaikene, ge Anutu wane tanik manik, ea wane kine detluk kaikene, kotonjonane ewe ewek wakoniakane onjaine teweke gesokkene. ⁸ Sola ewe ewek wane liwekke gege, eanjo zok wele wawaine mi okanmaiike, no koto ma ewekka more, onjaine geso gesok ea wane weleine yemo iwa kepeo so banj gemage, qeliwo wenenj wako-niake. ⁹ Iwamo don welekatne nei njerep koropno dere more malip kaikene. ¹⁰ Anutuño nei njerep korop koso ebu okanmaiike, so nei njerep wetno Anutu malipka okanmaine, njene mainjone okanmaiike, njene Anutu gegeinerop ene wetzenjo malipka more, njebuyakane toma kamaine, kine yalinane njene urata suaine maine.

¹¹ Don ramaile, korop iwa nei njerep korop kito edannom, dere more tewekkei. ¹² Ge nei qaluwit gemainane, nei njerep ene genjane detpi ketkele misuk okaniake, ge wet maep korop, so mali malip korop, so wet qelajan gorop, ge more, doku tau tau magu donjone so gegenonenjo alakane ebonikene. ¹³ Ge nanjane tomanane genom paki, Anutu wane don wele didiwo yewa nei njerep dapore kito ebongene, so edane mauluk okane

genom, na sari lotkekale. ¹⁴ Miti wane ñetne so doku tau tau magu edo propet eñane don teweke more, meteene leweñono more mosop gangoi, mosop yewa wane weleine siuke gini-akane, mauluke ware kanom payake. ¹⁵ Ge ea wane dere mezet okannom paki, urataine togole ma more mauluke manom, ea wane weleine wakone sua ariki, ñei ñerep korop eñe kau menageake. ¹⁶ Geñonane diamñone maikene, so ñei ñerep kito ebo ebon ñonane diamine weneñ maikene, ge diam tako rakot yale ma gekene, onoka wane, ge yale okangeneo, yemo uratañone yewaño geñone qesiñ ganiake, so ñei ñerep kito edannom detmami, eñe weneñ qesiñ oniake.

5

Ñei Ñerep Ma Koboe Onikenane Don

¹ Ge ñei mane suaine don gereunerop misuk olasikene, olatkenane okannom paki, yemo magane ranom paki, don bororomgo olasikene, ño ñei medep yemo ñon tarekopne yale ram pakiso, tikñaneñ makoboe onikene. ² Ño sele ñerep yemo nagakopne yale ranom paki, bororom makoboe onikene, ño ñerep natewen eñe yemo kiarokopne yale detnom paki, wetñone koboboineka paki makoboe onikene.

Ñerep Mala Eñane Don

³ Ñerep mala ñaokopene welekatne seu seune eñane eweene kito more mapitongene. ⁴ Ñerep mala, mane eñe gipon borasokoune me ñosakoune gekeiwo, yemo eñe miti wane

numa iwa yale okanikei, eɲe aɲa tewe tewek pa-
maikane, nabok magak so aso migakopene eɲane
turuɲine ma suluke wareone more, qelitene
qekei, onoka wane yale okanbi, Anutuɲo detki
menageake. ⁵ Nɲerep mane eɲe welekatne mala,
doko ɲosakoune midaine, maɲo warekayake, eɲe
wetneɲo Anutu wane motki paki, qesinɲ kayakane
tako rakot ruo so kaiwe meɲenka more olasiake,
eɲe mala wele raki paki mapit ongene ⁶ No mala
ɲerep mane eɲe solainane don teweke bailalaɲ
urata mayakeo, eɲe siluɲ wisikaunenɲo koso seu
seune yale okaniake. ⁷ Don iwa edan lukenom
dere more manenɲo sot mane misuk ma wakoni-
ake. ⁸ No mane eɲe kimakoune so eɲine wenem
sotakkoune mi ma suluke ware oniake, eɲe mali
malipine mo qeliɲgi paki, qelaɲ ɲei eɲane gege
yewa yuane, qelaɲ togole okaniake.

⁹ Nɲerep mala mane eɲe komaine 60 mi
maratkaki, ɲerep mala natne eɲane eɲet tegoo
misuk takot kekene, ɲo mane eɲe ɲaune weku
maki paki, eɲeropka geki paki, seuke eɲe koma 60
okangi, maine eɲetine mosikene. ¹⁰ So eɲe urata
kine kine mayakatne mauluke make, kineine
yale desikei, so eɲe gipon borasokoune ebuki
paki mauluk one more mire gume onge, me
eɲano ɲei lobo sariu ebu more matino koto bi-
raonge, me Anutu wane ɲei ɲerep eɲane kieene
saukke, ket qeqine bori worine maulukonge, so
eɲe mauluk mauluk urata kine kine mayakatne
make, kine yale dere more ɲerep yaline eɲane
eɲetka qekene.

¹¹ No ge ɲerep ɲaokopene seu seune eɲane

enjetene eamo misuk papiao qekene, onoka wane enje nei koso ebukei wane simileene paki Kristo nadekka okanmami. ¹² Paki alakan rara togon donene yewa qebarake more, sot korop okan okanmami. ¹³ So urata kito qoke more qewolon ge okanmami, so yewaka mida, enje mat maneo njine mat maneo wawa ketket ge okanmami, paki don sinoine borikine yewa natne enjano njine kobu ma ari more, don kine kine mi raraine, yewa rau sua ari okan maike. ¹⁴ Ea wane, na iwa yale ramaile, njerep njaokopene seu seune enje koso njaokopene ebuwi paki, doko medewekopene qepokeu paki, kat matene mauluke warekaikei, yale okane geu, njabakopze enje don borikine nedangei wane numa zuage more qelingei. ¹⁵ Nene njerep mala wenjem musele natne enje mo ikopka numa qeyau more, Satan mogatka ari okanmami. ¹⁶ Njerep mane enje mali malip korop, enjane keuo njine mala njerep natne gekeiwo, yemo onjo mala yewa kito qesinj ebuyake, enje umat yewa doku tau tau magu enjane kuteno misuk mosi-ake, pakiso doku tau tau magu enje mala njerep sotawekopene midaine, yewaka weku kito qesinj ebukei.

Netne Wareongenane Don

¹⁷ Nei sele njetne urata weku mane maulukke ma okanmami, enje doku tau tau magu njine lewine mawa more qoleonikei, njetne urata togole ma more Anutu wane don edan okanmami, so kito ebon okanmami, yewa enjane ramaile. ¹⁸ Anutu wane papiao yale ramaike, “Bulamakau enje kinejo urata mau, wit lapelekkiki ariki, anjaine

misuk mawon gekene, eje maine neake, yale waka urata mama ɲei eje lewine maine mayake.”

¹⁹ ɲei ɲetne mane wane ɣalosip don wakongi, ɲei wekuɲo raki eɲane don misuk desikene, ɲei etke me kareweɲo rau so, yemo maine desikene. ²⁰ ɲei ɲetne natne borikine maikiwo, yemo ɲetne kimakopene eɲane kaitko don girem edannom, ɲetne kimakopene eje one more kaet oniake.

²¹ Na Anutu wane kaitko, so Kristo Yesu wane kaitko, so aɲelo koboboine eɲane kaiteno, don ra togole more rawe detnom, na don golat warekole, yewa ɣeligenom mane misuk kesiake, so geɲone wetɲono qeyau ɲei ɲerep tanik kine mane kine mane zok misuk qebin onikene, ge kine wekuka rokopko okan onikene.

²² Ge Waom wane urata ranom paki, ɲei mane esatka ma more misuk metenone lewino more mosop kaikene, eɲane sotɲo geɲane kutɲono wayakane, geɲone kotonone warekanom, libeka payake.

Zoma Don So Borikine Wako Wakon Wane Don

²³ Ge ɣom kiki so zoma wikile zok okangan okanmaikane dokuka misuk nekene, wain doku ewekine me nigatnemde weneɲ nenom, kaɲone ɣesiɲ kayake.

²⁴ ɲei natne eɲane borikineene yemo kine ma wakon ma wakon naso mi bomileki, esatka didiwo wakongi, ka okanmaine, ɲo ɲei natne eɲane borikineene yemo sanko pamaike, ɲado wakoniake. ²⁵ Rokop yalewaka tanik manik mayakatne eawane weleine natne yemo esatka didiwo wakonge ka okanmaine. ɲo natne sanko

pamaike yewamo gemage yalewaka mi payake ban didiwo wakonwareake.

6

Qelit Gege Enjane Don

¹ Qelit gege, enjane kopene enjane detpi waki eweene kito more, anjane teweke qelitene bororom qekei, yale okanonbi, enjane qelan enjane natnejo Anutu wane enjane misuk detpi kesiake, so doku tau tau magu enjane kito enjane enjane misuk detpi kesiake. ² So enjane waom kopze natne enjane doku tau tau, so mali malip kopze, enjane kima maine okan nagu okanmaine, qelit qe qe enjane yale rau paki, enjane waom kopene misuk ma ket biraonikei, enjane iwa yale desikei, enjane waomkopze enjane doku tau tau magu, enjane kimakopze, enjane uratazane lewine qolenon okanmami, qelit enjane yale rau paki, qelitene wet pesekko ge more qe ebonikei.

Wesi Abonj Wane Bailalanj Zok Mi Okangene Ge Don Iwa Nei Nerep Korop Kito Ebon Warekene So Mauluke Edannom Dere More Malipka Warekei.

³ Nei mane enjane don iwa qeyau more, don kunejane mane enjane kito edaniake, enjane Waomze Yesu kristo wane don welekatne so enjane numa koboboine, yewa qaisikka more njadekkamaike. ⁴ Nei yaline enjane wet qelan okangi paki, so-laine mawayake, so kine kine wane kine mane mi dere more, don yau yaup ra ariki, yewano bailalanjane okaniake paki, ea wane sori sorin, so don njaba okangi, yewano tebakaki, qaisik qaisik don, kobu edo edo, mabaik mabaik don so det

worik yewa wakon okanmaike. ⁵ Paki, eɲe naso banjem don busu au okanmami, ɲei yaline eɲe wet dereretene qelanine okangi, eɲe don wele yewa mane mi malipka ge okanmami paki, eɲe iwa yale wetke okanmami, Anutu wane don so tanik manik yewaɲo tebakaki, wesi aboɲ gorop okangene, yale det okanmami.

⁶ Welekatne, ɲei mane eɲe Anutu wane don tewekki paki, eɲane numa mogasiake, eɲe Waomɲo warekake, mi ɲaɲaeke kine kine maine wet pese desiake. ⁷ Nene nagakopze eɲane ɲateno ɲine wakon okanmaine, naso yewao wesi aboɲzerop kepeo wakon okanmaine me? Midakaka! Me ban gemage, kepe qeliɲene naso yewao wesi aboɲ weneɲ ma arikene me? I midakaka! ⁸ Ea wane ɲene ɲara soep so takot laplap mane pa eboniakeo, yemo maine rokopzo ma gekene. ⁹ Wesi aboɲ suaine koaɲgei, ɲei ɲerep yewa eɲe borikinane liwe liweko waket warekei, paki, kine kine yauwinane bailalaɲ okane, ea wane wetene suaine motpi paki, qelaɲ so ɲet korop yewa wane simileɲo ɲei ɲerep yewa waraɲongi ket ware, seu seu wane suba bano waketpi enguwareake. ¹⁰ Wesi aboɲ wane simileɲo borikine kine kine ea wane ekiine okanmaike, ɲei ɲerep natne wesi aboɲ wane simile zok dere mageu, yewaɲo waraɲongi, mali malipene qeliɲka wareu paki, qom borik wikile suaine zok maratkakoi.

Gege Togon Marat Kaikenane Sorin Gekene

¹¹ No Anutu wane ɲei, ge kine kine yaline ɲadekka warekene, paki dere qeka midaine, ɲei

wele, mali malip korop, wet maep korop, togole togolerop, so wet pesek korop okanikenane sorin borin okanikene. ¹² Paki, mali malip wane gege urata mauluke maikene, ma more gege togon marat kaikene, ge gege yewa marat kaikenane Anutuᅇ gora newan gange, so ge goᅇom yale okanikenane, ᅇi lewa lewago ra togolenom detkoi. ¹³ Anutu, yeye kine kine korop eᅇane gege ma wakon okan mageake, eᅇane kaitko so Yesu Kristo, Pontius Pilat wane kaitko don welekatne ra togole golat lukewe, ¹⁴ ge Anutu wane don yewa mauluke warekanom, matali qetali midaine so ma sigileu diine midaine, libeka pamageki, naso Waomze Kristo Yesu lotkeake. ¹⁵ Kristo lotkeakane naso, yemo mo Anutu oᅇom ka motke, naso yewa bomileki, Anutu mosop welaine so ware ware weku, ᅇi waom eᅇane, ᅇi waom so waom eᅇane Waom, oᅇomka Kristo talekaki didiwo wakoniake. ¹⁶ Eᅇe bonepine seu seuine midaine qelaᅇan koto gemaikē, qelaᅇan yewa ᅇi manēᅇo mi marat kayake, so ᅇi manēᅇo mane mi kakoi, so ᅇi manēᅇo mi kayake, eᅇano bakom mawa mawa so zonom papa togon pa ariake! O, Weleka.

Lopenjine Papa Togon Maratkaikene

¹⁷ ᅇi kepe iwa wane aboᅇ suaine pa ebonmaikē, eᅇe edannom solaene mi mawa nagu more, kine kine yauwinane detpi, yewaᅇo lopenene okangi, yewao mi gesoke togole okorakei, midakaka! Anutu eᅇe morian ma wakone ᅇbongi nema okan okanmaine, eᅇano kito gesoke togole okorakei. ¹⁸ Edannom, ᅇi

abonene suaine eɲe urata mauluke maikei, ma more ea wane weleine mayakatne maratkaikai, paki qom ewek, okane more wet peseko kimakopeene natne mapoke ebonikei, yale okanbi paki, wet pesek desikei. ¹⁹ Numa yalewaoken okanbi paki, nago nagon mane papa togon yewa maratka more, ea wane weleine ɲado okanikei, paki eɲe baɲ ɲado maine gege wele yewa marat kaikei.

Timoti Wane Girem Don

²⁰ O Timoti, ge Anutuɲo urata ginge, yewa mauluke warekanom paki magekene, don sinoine wele midaine so isi don, ɲei natneɲo mage okan okanmami, yewa ɲadek kaikene, eɲe isi don yewa mage more, iwa yale ra okanmami iwa, “dereret don” yewa yemo Anutu wane tanik manik ea wane ɲabaine okanmaike. ²¹ ɲei natne eɲe ra okanmami, “ɲene dereretze wenenɲ,” yale ra more Anutu wane don wele, mali malip wane numa yewa qeligeu siukke.

Anutu wane mosopɲo ɲinano korop pa wareake, o, weleka.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963